

# JAVNA USTANOVA MUZEJ TEŠANJ

## OSNOVNI PODACI

### UPRAVA

#### UPRAVA

|           |                                     |    |                   |
|-----------|-------------------------------------|----|-------------------|
| Direktor  | Prnjavorac Ernad, prof.hist.        | Od | 10.11.2014.godine |
| Finansije | Ismeta Hatibović (spoljni saradnik) |    |                   |
|           |                                     |    |                   |

### **PRAVNA REGULATIVA**

- Odluka Općinskog vijeća Tešanj o osnivanju Muzeja broj: 01-02-1-3073/09 od 30.07.2009.godine.
- Odluka Općinskog vijeća Tešanj o izmjenama i dopunama Odluke o osnivanju Muzeja broj: 01-02-1-3073.2/09 od 01.10.2009.godine.
- Rješenje Općinskog suda u Zenici o registraciji broj: 043-0-Reg-09-000893 od 16.10.2009. godine.
- Odluka Općinskog vijeća Tešanj o davanju nekretnina na korištenje broj: 01-02-1-2261-2/10 od 08.07.2010. godine.
- Rješenje Ministarstva za obrazovanje, nauku, kulturu i sport ZDK-a o ispunjavanju uslova za početak rada i obavljanje muzejske djelatnosti broj:10-40-23117-5/10 od 04.04.2011.godine.

Muzejska djelatnost regulisana je slijedećim zakonskim i podzakonskim aktima:

- Zakon o javnim ustanovama („Službeni list RBiH“, broj: 6/92, 8/93 i 13/94),
- Zakon o zaštiti kulturne baštine („Službene novine ZE-DO kantona“, broj: 2/00),
- Zakon o muzejskoj djelatnosti („Službene novine ZE-DO kantona“, broj: 15/03),
- Pravilnik o stručnim zvanjima, uslovima i načinu sticanja stručnih zvanja u muzejskoj djelatnosti („Službeni list RBiH“, broj: 7/95),
- Pravilnik o uslovima za osnivanje i rad muzeja („Službene novine ZE-DO kantona“, broj: 20/07),
- Zakon o radu („Službene novine FBiH“, broj: 43/99, 32/00,29/03).

Slijedeći podzakonski akti Muzeja na snazi:

- Pravila Muzeja od 04.03.2010.,
- Pravilnik o unutarnjoj organizaciji rada i sistematizaciji radnih mjesta i poslova od 04.03.2010.,
- Pravilnik o radu od 04.03.2010.,
- Pravilnik o protivpožarnoj zaštiti 05.11.2010.

### **HISTORIJA**

Javna ustanova Muzej Tešanj (u daljem tekstu Muzej) osnovan je 30.07.2009.godine Odlukom Općinskog vijeća Tešanj broj: 01-02-1-3073/09. Istom Odlukom, definisana je osnovna djelatnost Muzeja: prikupljanje, čuvanje i istraživanje kulturnih i prirodnih dobara, njihova stručna i naučna obrada, čuvanje, zaštita i prezentiranje muzejske građe, muzejske dokumentacije, muzejskih lokaliteta i nalazišta, njihovo neposredno i posredno predočavanje javnosti putem stalnih i povremenih izložbi, objavljivanje podataka i saznanja o muzejskoj građi i muzejskoj dokumentaciji putem stručnih i naučnih časopisa, te drugih sredstava javnog informisanja.

Općinsko vijeće Tešanj je 01.10.2009. godine donijelo Odluku o izmjenama i dopunama Odluke o osnivanju muzeja, broj: 01-02-1-3073-2/09, kojom je dopunjen član 5. Odluke o osnivanju Muzeja i koji glasi : „šifra djelatnosti muzeja je 92521“. Ovaj razred obuhvata: muzej umjetnosti, nakita, namještaja, odjeće, keramike, srebrnih predmeta i dr.

Općinsko vijeće Tešanj donijelo je 08.07.2010.,Odluku o davanju nekretnina na korištenje broj: 01-02-1-2261-2/10 kojom se Muzeju ustupa na korištenje: kancelarijski prostor na drugom spratu zgrade Doma kulture, prostor za depo u prizemlju iste zgrade te: Eminagića konak i Kapetanova kula na Starom gradu Tešanj kao muzejski dependansi. Nakon svečanog otvaranja, 20.maja 2011.godine Općina Tešanj predala je Eminagića konak na upravljanje Muzeju.

Na osnovu pozitivnog mišljenja Komisije za procjenu uslova za bavljenje muzejskom djelatnošću od 30.03.2011. Ministarstvo za obrazovanje, nauku, kulturu i sport Zeničko-dobojskog kantona donijelo je

04.04.2011. Rješenje o ispunjavanju uslova za početak rada i obavljanje muzejske djelatnosti.

Po tipologiji muzeografske prezentacije Muzej je u proteklom periodu organizirao oko 45 različitih tipova izložbi: četiri stalne, postavke i izložbe te 40-ak povremenih i gostujućih iz oblasti: historije, kulture, arheologije, etnologije, likovne i primjenjene umjetnosti i dizajna. U skladu sa utvrđenom politikom ustanove okrenutosti publici muzeja izvan svojih zidova organizirano je 12 radionica za djecu sa posebnim potrebama, a u sklopu realizacije projekta "Djeca u kulturi". U sklopu redovnih aktivnosti, u proteklom period je održano i više promocija stručnih knjiga i časopisa koji se bave tematikom iz oblasti historije, arheologije, muzeologije te turističke promocije.

Od 14.-17. maja 2014. godine u Talinu, Estonija, Europski muzejski forum održao je svoju skupštinu i svečanost dodjele EMYA Nagrade za europski muzej godine. Iz Bosne i Hercegovine je za nagradu Evropski muzej godine 2014. nominiran JU Muzej Tešanj. To je jedina ustanova iz Bosne i Hercegovine, uz Zemaljski muzej Sarajevo, ikada nominovana za ovako prestižno priznanje.

### **KAPITAL**

Ulaganja u opremu 2015. iznosilo je 7.076,49 KM i to za: etnološku zbirku, historijsku, numizmatičku, časopise za muzejsku biblioteku i dr.

### **UPRAVNI ODBOR**

Rješenjem Općinskog načelnika broj: 02-34-5-205-2/14 od 22.04.2014. godine imenovan je Upravni odbor u sastavu:

1. Sakib Plančić, predsjednik
2. Mensura Mujkanović, član
3. Haris Mularifović, član.

Tokom 2015. godine Upravni odbor održao je 6 sjednica. Između ostalog na dnevnom redu je bilo:

- Razmatranje i usvajanje godišnjeg izvještaja o radu i finansijskom poslovanju,
- Donošenje Finansijskog plana i Plana rada Muzeja Tešanj za 2016. godinu,
- Odluku o raspisivanju Javnog konkursa za izbor najboljih literarnih radova na polju humanizma, -Naknada za predsjednika i članove UO iznosi po 150,00 KM mjesečno.

### **IZJAVA O MISIJI**

- Zaštita kulturno-historijske materijalne i nematerijalne baštine, te očuvanje kulturnih tradicijskih vrijednosti tešanjskog kraja i njihova prezentacija.

### **IZJAVA O VIZIJI**

- Muzej Tešanj sa depandansima: Stari grad Tešanj, Eminagića konak i nekropola stećaka Vukovo - muzejski hram kulture etabliran u svijetu muzeologije, turističko hodočašće i stjecište kulturnih poslenika.

### **DUGOROČNI CILJEVI (DO 2018. GODINE)**

- Promocija i afirmisanje Muzeja Tešanj u svijetu muzeologije kroz različite projekte,
- Muzejske izložbe:
  - Redizajniranje stalne historijske postavke,
  - Stalna arheološka izložba II i III faza ( nabavka vitrina, uređenje rasvjete, postavljanje izložbe),
- Terensko istraživanje srednjovjekovnih nekropola stećaka na području općine Tešanj, publikovanje rezultata u vidu stručnog rada i izložbe,
- Terensko-istraživački rad na proučavanju, prikupljanju i otkupu muzejskog materijala,
- Obogaćivanje muzejske biblioteke i muzejskih zbirki,
- Zaštita muzejske i bibliotečke građe,
- Održavanje objekata datih Muzeju na korištenje te nastavak obnove i restauracije,
- Naučno istraživački projekat arheološko iskopavanje lokaliteta Kućerine-Jelah Polje,
- Organizacija povremenih izložbi i promocija stručnih naslova vezanih za muzeologiju, arheologiju i historiju,
- Priprema peticija za proglašenje određenih kulturnih dobara nacionalnim spomenicima BiH.

### **STRATEGIJE ZA DOSTIZANJE CILJEVA**

- Rješavanje pitanja stabilnog finansiranja ustanove uz podršku Ministarstva za obrazovanje, nauku,

- kulturu i sport ZDK-a i Osnivača, kao preduslov za dostizanje zacrtanih ciljeva.
- Kadrovsko osnaživanje ustanove kroz prijem novih uposlenika.
- Kontinuirana edukacija i stručno usavršavanje kadrova Muzeja.
- Uspostava saradnje s međunarodnim kulturnim institucijama radi zajedničkog nastupa i lakšeg pristupa evropskim fondovima za kulturu.

## UPOSLENI

### *Kadrovska struktura Muzeja.*

Stalno zaposlenih ima 4 (četiri)+direktor:

- Direktor, VII stepen, prof. hist.,
- Kustos historičar-VII stepen, prof.hist
- Kustos historičar-VII stepen, prof.hist
- Vodič kroz zbirku, IV stepen i
- Kućni majstor-domar,VKV.

Kao spoljni saradnik,na poslovima knjigovodstva, angažovan je certificirani računovođa, IV stepen.

Prema Pravilniku o unutarnjoj organizaciji i sistematizaciji poslova Muzej bi za normalno ostvarivanje javne funkcije, u skladu sa odlukom o osnivanju i misijom i vizijom razvoja ustanove trebao zaposliti dva stručna lica: VSS (arheolog ili historičar umjetnosti) i 1 lice sa : SSS ili KV, koje će brinuti o održavanju Starog grada Tešanj. Imajući u vidu aktuelno stanje u društvu kao i zvaničan stav Vlade Zeničko-dobojskog kantona nerealno je očekivati zapošljavanje novih uposlenika.Potrebni stručni kadar i tehničko osoblje Muzej će nadomjestiti angažiranjem vanjskih saradnika kroz povremene poslove i ugovorom o djelu kao i preraspodjelom poslova..

### PRIMANJA:

| Naziv reda                           | Prethodni | Sadašnji |
|--------------------------------------|-----------|----------|
| Broj zaposlenih                      | 4         | 5        |
| Prosječna neto plata                 | 887,22    | 866,51   |
| Prosječna bruto plata                | 1.285,58  | 1.383,58 |
| Ostalo /                             | 0         | 0        |
| <b>topli obrok, po danu</b>          | 8,00      | 8,00     |
| <b>Prevoz po mjesecu, prosjek</b>    | 0         | 0        |
| <b>Regres</b>                        | 400,00    | 415,00   |
| Prosječna ukupna primanja po radniku | 1.463,22  | 1.457,51 |
| Posljednja maksimalna plata          | 1.357,00  | 1279,20  |
| Posljednja minimalna plata           | 550,49    | 574,52   |

### FINANSIJSKI IZVJEŠTAJI

#### BILANS USPJEHA

|    | Naziv reda                                       | Prethodni     | Sadašnji      |
|----|--|---------------|---------------|
| 1  | Neto prihod od usluga (prodaje)                  | 156.859,00 KM | 152.420,00 KM |
| 2  | Troškovi roba, materijala i usluga               | 155.967,00 KM | 146.380,00 KM |
| 3  | Troškovi rada                                    |               |               |
| 4  | Amortizacija                                     |               |               |
| 5  | Ostali troškovi poslovanja                       |               |               |
| 6  | Dobit ili gubitak iz poslovanja                  | 892,00 KM     | 3520,00 KM    |
| 7  | Prihod od kamata ili drugog načina finansiranja  |               |               |
| 8  | Troškovi od kamata i drugi troškovi finansiranja |               |               |
| 9  | Dobit ili gubitak iz redovnog poslovanja         | 892,00 KM     | 3520,00 KM    |
| 10 | Vanredni prihodi                                 |               |               |
| 11 | Vanredni troškovi                                |               |               |
| 12 | Ukupna dobit ili gubitak                         |               |               |
| 13 | Porez na dobit                                   |               |               |
| 14 | Neto dobit                                       | 892,00 KM     | 3520,00 KM    |

## BILANS STANJA

| PASIVA                              |                   | AKTIVA                                  |                   |
|-------------------------------------|-------------------|---|-------------------|
| <b>Kapital</b>                      | <b>115.111,00</b> | <b>Materijalna imovina</b>              | <b>110.928,00</b> |
| Osnovni kapital                     |                   | Materijalna dugotrajna imovina          |                   |
| Preneseni dobit/gubitak             | 3.520,00          | Dugotrajna finansijska ulaganja         |                   |
| Revalorizacijski ispravak kapitala  |                   |   |                   |
| Zadržana dobit/gubitak              |                   | <b>Kratkotrajna imovina</b>             | <b>17.044,00</b>  |
| <b>Obaveze</b>                      | <b>9.341,00</b>   | Zalihe                                  | 3.992,00          |
| Dugoročne obaveze iz finansiranja   |                   | Kratkotrajna potraživanja iz poslovanja |                   |
| Kratkoročne obaveze iz poslovanja   | 1.653,00          | Kratkotrajna finansijska ulaganja       |                   |
| Kratkoročne obaveze iz finansiranja | 7.688,00          | Gotovina                                | 13.052,00         |
| <b>Ukupna pasiva</b>                | <b>127.972,00</b> | <b>Ukupna aktiva</b>                    | <b>127.972,00</b> |

### IZVJEŠTAJ O NOVČANOM TOKU NA DAN 01.01. DO 31.12. 2015. (U X1.000 KM)

|           | Naziv reda  | Prethodni         | Sadašnji          |
|-----------|---|-------------------|-------------------|
| 1         | Novac i novčano kvivalenti na početku perioda                 |                   |                   |
| <b>2</b>  | <b>Primici iz poslovanja</b>                                  | <b>155.967,00</b> | <b>148.900,00</b> |
| 3         | Dobit prije oporezivanja                                      |                   |                   |
| 4         | Smanjenje zaliha  |                   |                   |
| 5         | Smanjenje potraživanja i plaćenih troškova budućeg poslovanja |                   |                   |
| <b>6</b>  | <b>Izdaci iz poslovanja</b>                                   | <b>155.075,00</b> | <b>145.380,00</b> |
| <b>22</b> | <b>Novac i novčani ekvivalenti na kraju razdoblja</b>         | <b>9.334,00</b>   | <b>13.052,00</b>  |

#### **DRUGI POKAZATELJI O RADU**

Planom rada za 2015. godinu detaljno su bile razrađene sljedeće aktivnosti:

- Kancelarijski-administrativni poslovi i obaveze, rad u oblasti muzeologije, izložbe i drugi sadržaji, naučno-istraživački rad, pedagoški rad, ostale aktivnosti

#### ***Rad u oblasti muzeologije***

##### ***Historijska zbirka***

Historijska zbirka je prva formirana zbirka u Muzeju Tešanj. Značajan dio je izložen u Dizdarevoj kuli na Starom gradu. Sastoji se od pečata, hladnog i vatrenog oružja, vojnih uniformi, karti i dokumenata. Muzealije historijske zbirke obuhvataju period od Novog vijeka do savremenog perioda.

- Historijska zbirka je tokom 2015. godine obogaćena novim predmetima otkupom od uglednog kolekcionara iz Sarajeva, gosp. Tarika Kože.
- U posjed muzeja je došla i zastava porodice Šehagić iz Tešnja, jedna od najstarijih muzealija te vrste u BiH i šire. Pretpostavlja se da zastava potiče iz XVI-og st. Trenutno se nalazi konzervatorskom odjelu Zemaljskog muzeja u Sarajevu nakon čega se planira njeno izlaganje u ovoj zbirci.
- U ovu zbirku je uvršteno i topovsko đule pronađeno u podnožju zidina Starog grada.

Jedna od najznačajnijih akvizicija historijske zbirke su drvene vodovodne cijevi pronađene prilikom radova na rekonstrukciji kanalizacione mreže u Titovoj ulici. Pronađeno je ukupno 11 cijevi i bar dio njih se planira izložiti u Zbirci nakon što se izvrši njihova stručna obrada i konzervacija.

##### ***Muzejska biblioteka***

- Stručna muzejska biblioteka vodi se od 2010. godine i trenutno broji preko 500 bibliotečkih jedinica. Bibliotečki materijal je prikupljen poklonom, razmjenom i otkupom. Biblioteka je podijeljena prema oblastima, stručnoj i općoj literaturi. Stalno se dopunjava novim naslovima.

Tokom 2015. godine bibliotečki fond je povećan za 20-ak naslova uglavnom stručne literature i periodike iz oblasti muzeologije i historije te godišnjacima i naučno-istraživačkim časopisima.

## **OCJENE I MJERE UPRAVNOG ODBORA**

- Upravni odbor je Izvještaj o radu i Odluku o stepenu realizacije ciljeva za 2015. godinu usvojio na 22. redovnoj sjednici, održanoj 19.01.2016. godine.
- Finansijski izvještaj o poslovanju je razmatran i usvojen na 24. Sjednici UO, održanoj 29.03.2016. godine.
- Izražava se zahvalnost osnivaču na kontinuiranoj podršci Muzeju u ostvarivanju javne funkcije u skladu sa odlukom o osnivanju.
- Odaje se priznanje uposlenicima Muzeja na daljoj promociji kulturno-historijske materijalne i nematerijalne baštine, realizacijom novih projekata.

### **UKUPNA OCJENA RADA JAVNIH USTANOVA I PREDLOŽENE MJERE**

Općina Tešanj je osnivač osam javnih ustanova, koje djeluju u različitim oblastima. Od kulture, do zdravstva, socijalne zaštite i sporta, raspon djelovanja je dosta širok. U trenutnim okolnostima uloga osnivača nosi i različite finansijske obaveze. Ustanove isto tako u različitom omjeru obavljaju delegirane nadležnosti drugih nivoa vlasti.

| Naziv ustanove                  | Br uposlenih | Način učešća općine u finansiranju                          | Drugi izvori finansiranja   |
|---------------------------------|--------------|---|---|
| Opća biblioteka Tešanj          | 7            | Po projektima   | ZDK, plate i materijalni troškovi   |
| Centar za socijalni rad         | 11           | Finansiranje ustanove u potpunosti i dio socijalnih davanja | Preko CSR se ostvaruje socijalna zaštita ZDK i FBiH, ali ne učestvuju u finansiranju ustanove |
| Apoteka Tefarm                  | 19           | Nekretninom koja je na korištenju                           | Poslovanje na tržištu   |
| Opća bolnica Tešanj             | 232          | Manji infrastrukturni projekti                              | Zdravstveni fond  |
| Centar za kulturu i obrazovanje | 6            | Finansiranje ustanove u potpunosti i veći dio aktivnosti    | Zakup, drugi nivoi vlasti manji dio aktivnosti po projektima,                                 |
| Dom zdravlja                    | 165          | Manji infrastrukturni projekti                              | Zdravstveni fond, projekti ministarstava  |
| Sportsko-rekreativni centar     | 4            | Povremeno učešće u infrastrukturnim projektima              | Tržište, uz zakup termina od ZDK za srednje škole i zakup od općine za dio potreba klubova    |
| Muzej Tešanj                    | 5            | Od 2011. u potpunosti i po projektima                       | ZDK finansiranje plata i materijalnih troškova a Općina finansira redovnu djelatnost.         |

Prikazani sistem finansiranja, zakonska rješenja i širina djelatnosti ukazuju na kompleksnost u upravljanju javnim ustanovama. Kada kažemo upravljanje mislimo na nivo općine, koja treba da utvrđuje opće smjernice, koje proizilaze iz utvrđenih politika (različitim odlukama i smjernicama razvoja) i strateških dokumenata i planskih dokumenata.